

Konke kungumsebenzi wam wesiqhelo

 nalibali.org/story-library/multilingual-stories/konke-kungumsebenzi-wam-wesiqhelo

Author

Ibhalwe nguBandile Sikwane

Illustrator

Imizobo nguElizabeth Sparg

This story is also available in: [English](#) / [Afrikaans](#) / [isiNdebele](#) / [isiZulu](#) / [Sepedi](#) / [Sesotho](#) / [Setswana](#) / [Tshivenda](#) / [Xitsonga](#)

Listen to the story here

UHank iChebesha eliNomkhitha wayengumpheki ophume izandla kuwo wonke ummandla onengca ende.

Ukungancami kwakhe ukukhangela ezona zithako zifanelekileyo kwakumenza abe nomahluko.

Iresiphi yanamhlanje yayilula, kodwa isidlo sasikhethekile.

Wayesilungiselela uWendy iNxagu. Olo sizana lwalophuke umlenze lubaleka iingcuka ezilambileyo.



Iresiphi yayinyanzelisa ukuba kubekho izithako ekunzima kakhulu ukuzifumana.

UHank walwa waze woyisa inamba etyebileyo. Yayiza kwenza inyama enencasa kwisityu sakhe.

Wanyamezela ngaphezulu kwekhulu lolwamvila lweenyosi eqokelela incindi nobusi azakwenza ngabo isiselo.

Oonomadudwane abayingozi babonakalisa ukungamonwabeli xa esimba ikhaya labo ekhangela amadumbe. I

tshhu! Itshu! Itshu!

Irhamba lamnyikila ngoku wayeqokelela amaqunube neetumato zasendle.

Ityhefu yerhamba iyingxaki embi kakhulu. Yamthatha iiyure ezininzi uHank ukuba ayikhuphe kuye.

Kungekudala wafika ekoneni yezitalato iWarthog Avenue kunye nesitalato iBaobab.

Izihlobo zonwabela incasa yesityu, zirhabula incindi ngeli lixa zihleka oonomademfu benxwala iinyenzane ezingxolayo.

“Sesona sidlo sakho sakha sagqwesa esi,” watsho uWendy, elenca ngolwimi iintsalela zokutya ebusweni bakhe.

“Inokuba ibingumsebenzi omkhulu kakhulu ukusipheka.”

“Tu ke ngoku,” waphendula uHank ngokuzingca. “Enyanisweni, lo ngumsebenzi wam wesiqhelo.

Linda nje wena isiteykhi serhamba esivuzisa amathe endisilungiselele ingomso!”

Disclaimer: You are now leaving a page and will enter a page that incurs data costs. Do you want to continue?

Yes No

Disclaimer: You are now leaving the Nal’ibali website and will enter a website that incurs data costs. Do you want to continue?

Yes No

We use cookies to ensure that we give you the best experience on our website. By continuing to use our website, you are agreeing to our use of cookies.

Cookie Policy